

CONVENIO DE COLABORACION ENTRE A AXENCIA GALEGA DE INNOVACIÓN E A REAL ACADEMIA GALEGA DE CIENCIAS PARA A ORGANIZACIÓN E DESENVOLVEMENTO DA SEGUNDA EDICIÓN DOS PREMIOS DE TRANSFERENCIA DE TECNOLOXÍA EN GALICIA NO ANO 2016.

MEMORIA XUSTIFICATIVA

O director da Axencia Galega de Innovación da Consellería de Economía, Emprego e Industria, **DECLARA:**

Que esta Axencia Galega de Innovación ten previsto formalizar coa Real Academia Galega das Ciencias (en diante RAGC) o instrumento convencional arriba referido por un período de vixencia que abrangue dende a sinatura do convenio ata o 30 de novembro de 2016.

Que o instrumento convencional ten por obxecto:

Determinar o marco da colaboración entre GAIN e a RAGC para o desenvolvemento durante o ano 2016, das seguintes actividades de divulgación científico-técnica:

- Convocatoria da segunda edición dos Premios de Transferencia de Tecnoloxía en Galicia
- Difusión e comunicación de ditos premios entre o público obxectivo da convocatoria

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

1. Que a Axencia Galega de Innovación (en adiante, GAIN) é unha axencia pública autonómica encadrada nas entidades instrumentais do sector público autonómico



reguladas no título III da Lei 16/2010, do 17 de decembro, de organización e funcionamento da Administración xeral do sector público autonómico, tal e como se recolle no Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

Esta entidade encóntrase adscrita á Consellería de Economía, Emprego e Industria e conta con personalidade xurídica propia diferenciada respecto da Administración xeral da Comunidade Autónoma de Galicia, patrimonio e tesourería propios e autonomía de xestión nos termos que precisen as leis.

Os seus estatutos atribúenlle, entre outras, as seguintes funcións: a ordenación, planificación, coordinación, execución e seguimento das competencias en materia de fomento da investigación que ten atribuídas a Comunidade Autónoma de Galicia en virtude do establecido no artigo 27.19º do Estatuto de autonomía de Galicia; a promoción, xestión e execución do Plan Galego de Investigación, Desenvolvemento e Innovación Tecnolóxica, asumindo a súa coordinación; seguimento e avaliación, promover proxectos de interese xeral en materia de ciencia e tecnoloxía.

2. Que a Real Academia Galega de Ciencias, é unha corporación científica de dereito público, sen ánimo de lucro e con personalidade xurídica propia, creada mediante o Real Decreto 1218/1977, do 23 de abril, para o cultivo do saber e a difusión do coñecemento e as súas aplicacións. O seu ámbito territorial é a comunidade autónoma de Galicia.

Mediante o Decreto 373/2003, do 16 de outubro, a Comunidade Autónoma de Galicia asumiu as funcións en materia de fomento da cultura e da investigación no seu territorio, sen prexuízo do establecido no artigo 149.2 da Constitución española, e do desenvolvemento lexislativo e execución en materia de corporacións de dereito público representativas de intereses económicos e profesionais e, en concreto, das academias que teñan o seu domicilio no territorio da Comunidade Autónoma, entre as que se encontra a Real Academia Galega de Ciencias.



En virtude do acordo do Consello da Xunta do 16 de outubro de 2003, a RAGC adscribiuse á consellería de Innovación, Industria e Comercio. Na actualidade, o departamento de adscrición é a consellería de Economía, Emprego e Industria, a través da Axencia Galega de Innovación, segundo o establecido no artigo 3.2 c) do Decreto 175/2015, do 3 de decembro, polo que se establece a estrutura orgánica desta consellería.

3. Que é intención da Axencia Galega de Innovación colaborar coa Real Academia Galega das Ciencias no fomento de actividades que recoñezan e premien a transferencia de coñecemento ao mercado así como o fomento da capacidade de absorción por parte das empresas como medida de ratificación do esforzo estratéxico que se está a facer dende a Estratexia de Especialización Intelixente de Galicia 2014-2020 (RIS3 Galicia).
4. Que a RAGC, coa colaboración de GAIN, convocou no ano 2015 a primeira edición dos Premios á Transferencia de Tecnoloxía en Galicia en dúas modalidades: mellor traballo desenvolvido por un grupo de investigación aplicada e mellor caso de éxito empresarial de transferencia de tecnoloxía.

Ambas entidades, representantes do Sistema Galego de I+D+i, colaboraron na posta en marcha deste concurso baixo a premisa de que a axeitada transferencia de coñecemento procedente dos organismos de investigación ao tecido produtivo, está considerada unha estratexia prioritaria a nivel global para incrementar o desenvolvemento socioeconómico de calquera territorio. No caso de Galicia, estes procesos veñen sendo impulsados con resultados que convén recoñecer a través de casos de éxito que sexan difundidos á cidadanía e sirvan como referencia inspiradora para investigadores e empresarios.

5. Que tendo en conta o éxito da primeira edición, tanto GAIN como a RAGC están interesados en celebrar unha segunda edición dos Premios á Transferencia de Tecnoloxía en Galicia, que contribúa á difusión do coñecemento en Galicia.



Ademais, como novidade nesta II edición, contéplase un terceiro premio para casos de éxito de transferencia en grandes empresas (excluídas pemes).

6. Que os galardóns recoñecerán o mellor traballo desenvolvido por un grupo de investigación aplicada e os mellores casos de éxito empresariais de transferencia de tecnoloxía. Ao premio xa convocado o ano pasado para pemes súmase este ano o que se lle concederá a unha gran empresa.
7. Que no convenio conteéplase a concesión de tres premios:
 - 7.1. A primeira modalidade dos premios está dirixida a grupos científicos que desenvolvan investigación aplicada e que estean adscritos a centros tecnolóxicos ou de investigación ubicados en Galicia. Entre as candidaturas presentadas seleccionárase a que mellor represente a contribución dun traballo de investigación ao desenvolvemento socioeconómico de Galicia a través da transferencia dos seus resultados ao mercado.
 - 7.2. Os outros dous premios están dirixidos a empresas que buscan os casos de éxito máis representativos de innovación acadada a partir da transferencia de tecnoloxía. Un deles vai dirixido ás pemes galegas (incluíndo as micropemes) que acrediten innovacións procedentes da adquisición dunha patente, dun proxecto conxunto con un ou varios grupos de investigación ou outro mecanismo calquera de transferencia.

Outro diríxese ás grandes empresas e tomará como referencia os mesmos méritos que se valorarán nas pemes, coa diferenza de que o premio para a empresa terá carácter honorífico e o grupo de investigación percibirá a axuda en concepto de apoio ao seu traballo no eido da transferencia de coñecemento.
8. Que tendo en conta o anterior, e aos efectos previstos no artigo 19.4 da Lei 9/2007, do 13 de xuño, de subvencións de Galicia, non procede realizar unha convocatoria pública, xa que a RAGC é a única entidade que ata a data levou a



cabo a organización deste tipo de premios e, en consecuencia, é a mellor pode levar a cabo a súa organización e desenvolvemento, atendendo ao seu obxectivo fundamental baseado no cultivo, adiantamento e propagación das Ciencias e as súas aplicacións, o que, en definitiva, redunda nunha mellor contribución ao desenvolvemento da I+D+i en Galicia, por riba de outro tipo de entidades existentes no sector.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela, a 11 de abril de 2016.

